



Векало Яхъяс яздина хьалхара кехат

Векало Яхъяс яздинчу хьалхарчу кехатан коьрта ши Галашо ю. Цкъа-делахь, дешархой иракарах Иттор – Делаца а, Дала леррина къобалвинчу Цуьнан КИантаца Ийсаца а уллора юкъаметтиг а йолуш, дахархьама. Ткъа, шолгIа-делахь, и юкъаметтиг йохо тарлучу харц хьехамашца лело цадезарг дIахьедар. И харц хьехам иштта бара: дерриг а вониг кху дуьненца йолчу уьйраца доьзна хилча, Делан КИант волу Ийса адам хила баккъалла а йиш яцара. Харцхьехамчаша иштта олур: кIелхьардевлла хилар – иза кху дуьненахь долчу дахаран гIайгIанех паргIатдаьхна хилар ду. Кхин а хьобхура: кIелхьардовлар доьзна дац цIеначу гIиллакхех леларца я вовшашка болчу безамца.

Цу харцхьехамна дуьхьалдогIуш, яздархочо чIагIдо, Дала леррина къобалвина Ийса баккъалла а адам хилла хилар. Цул сов, цо хьобху, Ийсах а тешаш, Дела а везаш волу массо а вонийн везаш хила бохуш.

Дахар луш долу Дош

1 ¹Иза юьхьанца дуьйна долуш дара. Тхуна иза хаза а хезнера, тхан бIаьргашна иза ган а гинера. Тхо цуьнга хьовса а хьавьсинера, тхан куьйгаш цунах Iотта а деллера. Иза дахар луш долу Дош дара. ²И дахар гучудаьлча, тхуна иза гира. Цундела цу бакъдолчу дахарх тоьшалла а до, кхайкхам а бо оха. И дахар стигаларчу Дегахь дара, ткъа хIинца тхуна довзийтина иза. ³Тхайна гиначух а, хезначух а лаяцна хаам бо оха шуйга. Оха и дуьйцу, шун а тхобца уьйр-марзо хилийтархьама. Ткъа тхан уьйр ю Деца а, Цо леррина къобалвинчу Цуьнан КИантаца Ийсаца а. ⁴ХIара яздо оха, вайн* хазахетар кхоччух дуьззина хилийтархьама.

* ^{1:4} *Вайн* – цхьадолчу тептарш тIехь: *шун*.

Дела – серло ю

⁵Тхуна Цуьнан КИантера хезна болу а, оха шуна дIакхайкхош болу а кхаь хIара бу: Дела – серло ю, Цуьнца цхьа а тайпа бода бац. ⁶Нагахь санна Делаца уьйр ю а бохуш, боданехь лелахь, вай аьшпаш а бутту, бакъдолчуьнца а ца лела. ⁷Амма, нагахь Дела серлонгахь ма-хиллара, вай а серлонгахь лелахь, вайн вовшашца уьйр ю, ткъа Цуьнан КИант волчу Ийсан цIийно вай массо а кьинойх цIандо.

⁸Нагахь санна вай ваьшца къа дац бахахь, тIаккха вай цу дешнашца ваьш Iехадо, вайца билгал долу бакъдерг а дац. ⁹Нагахь ваьш летийначу кьиношна вай даре дахь, Дала вайн кьиношна геч а дийр ду, дерриг а бакъдоцух вай цIан а дийр ду, хIунда аьлча Иза тешама а, бакъ а ву. ¹⁰Амма вай ваьш кьинош ца летийна бахахь, тIаккха вай Дела харц а во, Цуьнан Дош вайца а дац.

Ийса ву вайна ГIудийриг

2 ¹Сан хьоме бераш, шуйга кьинош ца летадайтархьама яздо ас хIара кехат. Ткъа нагахь цхьаммо къа латадахь, стигаларчу Дена хьалха лаятташ волу ГIудийриг ву вайн: Дала леррина къобалвина Ийса – Делан лаамехь Верг. ²Иза вайн кьинош дIадахаран сагIа ду. Ткъа и сагIа, вайн кьиношна тIера тоьйна а ца Iаш, дуьнен чуйра массо а адамиьн кьиношна тIера тоьар ду.

³Ткъа вайна Дела везина хиларан тоьшалла до вайна Цо тIедехкина парзаш вай лардаро. ⁴Шена Дела вевза а бохуш, парзаш лардеш воцург харцлуйьш а ву, цуьнца бакъдерг а дац. ⁵Ткъа Делан дош лардеш волчунна чохь Делан безам билгал буьззина бу. Вай билгал Делаца хиларан билгало иштта ю: ⁶шен Делаца уьйр ю бохург Ийса ма-леллара лела веза.

Керла парз

⁷Сан хьоменаш! Ас шуйга яздийриг керла парз дац – иза, баккъалла а аьлча, шира парз ду, юьхьанца дуьйна а шуна Дала делла долу. Шира парз – Дош ду, шуна хезна долу. ⁸ХIетте а аса яздийриг керла парз хета мега. Дала леррина Къобалвинчо а, аша а гойту иза бакъ хилар, хIунда аьлча бода дIаболу, ткъа билгал йолу серло хIинцале а къегаш ю.

⁹Ша серлонгахь лела а бохуш, ткъа шен динан веше цабезам берг хIинца а боданехь лела. ¹⁰Ткъа шен динан вежарий безаш верг серлонгахь Iаш ву – стаг галволуйтуш дерг а дац цуьнца. ¹¹Амма шен динан ваша цавезарг боданехь ву. Иза боданехь лела гIерташ ву. Цунна шена а ца хаьа, ша мича вьоду, хIунда аьлча цу бодано иза бIарзвина.

- 12 Ас яздо шуьга, сан хьоме бераш,
Дала леррина Къобалвинчо динарг бахъана долуш шун
къиношна гечдина дела.
- 13 Ас яздо шуьга, дайшка,
юьхъанца дуьйна волуш Верг шуна вевза дела.
Ас яздо шуьга, къонахошка,
иблисал шу тоьлла дела.
- 14 Ас яздина шуьга, сан динан бераш,
стигалара Да шуна вевзина дела.
Ас яздина шуьга, дайшка,
юьхъанца дуьйна волуш Верг шуна вевзина дела.
Ас яздина шуьга, къонахошка,
шу доьналла долуш долу дела а,
Делан Дош шун даг чохь лаьтгаш долу дела а,
иблисал шу тоьлла долу дела а.

15 ХIара дуьне а, цунна чохь мел дерг а ма дезалаш! Нагахь санна цхьаь хIара дуьне дезаш велахь, стигаларчу Ден безам цуьнца бац. 16 ХIара ду дуьнен чохь мел долу хIума: къилахь болу лаамаш хилар, адамиьн цхьана хIуманна бIаьрган хьагам хилар, адамаша шайн долчух а, шашь динчух а куралла яр. Ткъа стигалахь волчу Дегара дац уьш – кху дуьненара ма ду и дерриге а. 17 Дуьне а, дуьненан лаамаш а дIабевр бу, ткъа Делан лаам кхо-чущбеш мел волчун хедар доцу дахар ду.

Дала леррина Къобалвинчун мостагIа

18 Сан динан бераш! ХIара кху дуьненан тIаьхъара зама ю. Шуна хезне-ра, Дала леррина Къобалвинчунна дуьхьал верг вогIур ву аьлла. Ткъа хIинцале а дукха баьржина Дала леррина Къобалвинчунна дуьхьал берш. Цунах хаьа вайна, хIара билггал тIаьхъара зама юйла. 19 И дуьхьал берш, цкъа вайн гуламна юкьахь а хилла, хIинца вайна юкьара дIабевлла. Бакь-дерг аьлча, уьш цкъа а бацара вайна юкьабогIуш. Нагахь уьш билггал вайна юкьара хиллехъара, уьш вайца буьсур бара. Амма уьш вайна юкьара дIабовларо гойту, царах цхьа а билггал вайна юкьабогIуш ца хилар.

20 Ткъа шу Дала Вазвинчо къобалдина ду, цундела шуна массарна а бакьдерг хаьа. 21 Шуна билггал долу бакьдерг ца хаьа аьлла, ца яздо ас шуьга. Мелхо а, ас яздо шуьга, шуна и бакьдерг хаьа дела а, иштта цу бакь-долчуьнца цхьа а харцдерг доцийла шуна хаьа дела а.

22 Ткъа мила ву уггар харцлуйриг? Иза ву Иийса Дала леррина Къобал-винарг хилар тIе ца лоцург. Иштта стаг Дала леррина Къобалвинчунна дуьхьал верг ву – стигалара Да а, Делан КIант а тIе ца лоцу цо. 23 Делан КIант къобал ца вечу хIораммо а стигалара Да а къобал ца во. Ткъа Де-лан КIант къобалвечо стигалара Да а къобалво.

24 Шайна юьхъанца дуьйна хезнарг даим а латтаде шайн даг чохь. На-гахь санна иза иштта хилахь, Делан КIантаца а, Цуьнан Деца а йолу шун уьйр даим а лаьттар ю. 25 Ткъа Цо вайна лур ду аьлла ваIда ду: хедар доцу дахар.

26 ХIара ас яздина шу ледан лууш болчарах лаьцна шуьга дIахьедан. 27 Амма шу Делан КIанта къобалдина ду, ткъа иза шуьца дуьсу. Цундела шуна кхин хьехархо ца оьшу – цу къобалдаро шуна дерригенах лаьцна хьобху. Ткъа иза харц дац – иза билггал бакьдерг ду. Иштта, Дала лерри-на Къобалвинчуьнца хила даим а, Цо шайна ма-хьехара.

28 Иштта, сан хьоме бераш, кхидIа а хилалаш Цуьнца, Иза веанчу хе-нахь шашь доьналла долуш хилийта а, Цунна хьалха шайна эхь ца хетий-та а. 29 Нагахь шайна Иза Делан лаамехь Верг вуй хууш хилча, хаалаш, хIора Делан лаамехь лелаш верг Делах схьаваьлла вуйла а.

Делан бераш

3¹ Хьовсийша, мел кIоргге дезна вай стигаларчу Дена. Вайх Делан бе-раш ду аллал боккха бу Цуьнан безам. Иштта, вай билггал Цуьнан бераш ду. Амма дуьненна вай ца девза, хIунда аьлча стигалара Да ца вев-зина цунна. 2 Сан хьоменаш! ХIинца вай Делан бераш ду, амма кхул тIаь-хьа вайх муьлш хир ду цкъа хIинца а дIа ца делладелла вайна. Вайна хаьа, Дала леррина Къобалвинарг веанчу хенахь, вай а Цунах терра хир дуй, Иза Ша ма-варра вайна гун волу дела. 3 Иштта Цунах сатийсар долуш Iаш волчу хIораммо а ша цIанво, И санна цIена хилархьама.

4 Къинош летош мел верг Iеса лелаш ву, ткъа къинош летор Iесалла ду. 5 Шуна ма хаьа, Иза къинош* дIаэцархьама веана хилар. Ткъа Цуьн-ца шеца-м къинош дан а дац. 6 Цуьнца волчо цхьаммо а къа ца латадо. Ткъа къа латош болчех цхьанна а Иза ган а ца гина, Иза вовза а ца вевзина.

7 Сан хьоме бераш! Цхьаммо а нийсачу новкъа тIера шу дIа ма дохийла! Делан лаамехь лелаш верг – Делан лаамехь ву, Дала леррина Къобалви-нарг а Делан лаамехь ма-хиллара. 8 Къа латориг иблисах схьаваьлла, хIунда аьлча иблисо юьхъанца дуьйна а къа латадо. Цундела Делан КIант веана цу иблисан гIуллакхаш дохорхьама.

9 Делах схьаваьлла волчо цхьаммо а къа ца латадо, Делан хIух схьа а ваьлла, шен амал Цуьнан амалх тера йолу дела. Ткъа ша Делах схьаваьлла хиларна, цуьнга къа ца латало. 10 Делан бераш а, иблисан бераш а вовшак иштта къастало. Делан лаамехь мел воцург а, шен динан ваша цавезарг а Делан бер дац.

* 3:5 *Къинош* – цхьадолчу тептарш тIехь: *вайн къинош*.

Вовшийн дезалаш

¹¹ Юьххьехь дуьйна а вайна кхайкхийна болу хаза кхаь вай вовшийн дезаш хила деза аьлла бу. ¹² Кхайм санна ма хилалаш, иза иблисан долахь а вара, цо шен ваша а вийра. Ткъа хIунда вийра цо иза? Шен гIуллакхаш зуламе хилла дела, ткъа цуьнан вешин гIуллакхаш Делан лаамехь долу гIуллакхаш хилла дела.

¹³ Динан вежарий, цец ма дийлалаш, нагахь дуьненна шаьш ца дезалахь. ¹⁴ Вайна-м хаьа, ваьшна динан вежарий беза дела, вай, деллачуьра ден а делла, бакьдолчу дахаре девллийла. Ткъа шен ваша цавезарг хIинца а Iожаллин карахь ву. ¹⁵ Шен динан ваша цавезарг адам дуьйш верг санна ву. Ткъа шуна-м хаьа, адам дуьйш долчу цхьана а адаман Делаца долу дахар ца хулийла. ¹⁶ Амма Iийсас вайн дуьхьа Шен са дIадалар бахьанехь, бевзина вайна безам. Вай а кийча хила деза вешан динан вежарийн дуьхьа са дIадала. ¹⁷ Нагахь цхьаннан, ша дика хьал долуш вешаш воллушехь, халла воллучу шен веше кьинхетам бацахь, тIаккха Делан безам муха хир бу цуьнца? ¹⁸ Сан хьоме бераш! Дашца а, маттаца а доцуш, гIуллакхца а, билггал долчу бакьдолчуьнца а дезийла вайна вовшийн.

Тединчу дегнашца Далла хьалха хилар

¹⁹ Иштта вайна хаа тарло, ваьш билггал бакьдолчух дуйла. Цундела Цунна хьалха вешан дегнаш тедан тарло вай, ²⁰ вешан дегнаша вайна кхел еш елахь а. Дела вайн дегнел а сов ву, Цунна дерриг а хаьа. ²¹ Сан хьоменаш! Нагахь санна вайн дегнаша ваьшна кхел еш ца хилча, Далла хьалха доьналла долуш хила таро ю вайн. ²² ТIаккха, Цуьнан весеташ кхочуш а деш, Делан лаамехь вай леларна, хIуьа а вай дехнарг лур ду Цо вайна. ²³ Ткъа Делан весет ду: Цуьнан КIант волчу, Цо леррина кьобалвинчу Iийсан цIарах а тешаш, Цо вайна тIе ма-диллара, вайна вовшийн дезар. ²⁴ Делан весеташ кхочушдеш верг Делаца ву, Дела а ву цуьнца. Ткъа Иза вайца хилар вайна хаьа, Цо вайна деллачу Синехула.

Билггал бакьдолу Са а, адам тилош долу са а

4 ¹ Сан хьоменаш! Муьлх-муьлхачу а синах ма тешалаш, амма и синош таллалаш, уьш Делера дуй те а хьожуш. ХIунда аьлча дуьнен чохь дукха харцпайхамарш баьржина. ² Делан Са иштта кьасталур ду шуьга: Дала леррина кьобалвина Iийса, адам санна, веана хилар кьобалдо са – Делера ду. ³ Ткъа Iийса кьобалвеш доцу са – Делера дац, иза – Дала леррина Кьобалвинчунна дуьхьал волчун са ду. Шуна хезна, иза догIур ду аьлла, иза хIинцале а долуш а ду дуьнен чохь.

⁴ Сан хьоме бераш! Шу Делера ду. Шу тоьлла харцпайхамарел, хIунда аьлча шуьца Верг нуьцкъала ву кху дуьненахь олалла деш волчул. ⁵ Уьш кху дуьненара бу, цара а кху дуьненара болчара боххург боху, дуьнено ла а дугIу цаьрга. ⁶ Амма вай Делера ду. Дела шена вевзачо вайга ла а дугIу. Ткъа ша Делера воцучо вайга ла ца дугIу. Иштта кьастало вайга билггал бакьдолу са а, адам тилош долу са а.

Дела Ша – безам бу

⁷ Сан хьоменаш! Вай вовшийн дезийла, хIунда аьлча безам Делера бу. ХIора шеца безам болуш верг Делах схьаваьлла ву, цунна Дела а веза. ⁸ Шеца безам боцучунна Дела ца веза, хIунда аьлча Дела Ша а безам бу! ⁹ Дала Шен вайга болу безам гайтина, Шен цхьаь бен воцу КIант кху дуьнен чу а ваийтина, Цуьнгахула вайн бакьдолу дахар хилийтархьама. ¹⁰ Бакьболу безам иштта бу: вайна Дела везар бахьанехь а доцуш, амма Далла вай дезарна, Цо Шен КIант ваийтира вайн кьинош дIадахаран саIа санна.

¹¹ Сан хьоменаш! Далла вай оццул дукха дезаш хилча, вай вовшийн дезаш хила а деза. ¹² Дела цхьанна а, цкъа а гина вац. Амма вайна вовшийн дезаш хилча, Дела Ша а вайца ву, ткъа вайна чохь Цуьнан безам а билггал буьззина бу.

¹³ Вайн Делаца хилар а, Иза вайца хилар а вайна хаьа, Цо вайх Шен Синан декъашхой дина дела. ¹⁴ Ткъа вайна ган а гира, вай тоьшалла а до Дас Шен КIант дуьнен чуьра адамаш КIелхьардохург санна ваийтина хиларх. ¹⁵ Нагахь цхьаммо Iийса Делан КIант хиларх тоьшалла дахь, цуьнца Дела а ву, ткъа иза Делаца а ву. ¹⁶ Ткъа вайна Делан ваьшга болу безам бовза а бевзина, вай цунах теша а тешна.

Дела Ша а безам бу. Безамца верг Делаца а ву, Дела цуьнца а ву. ¹⁷ Вайна чохь безам буьззина хилар иштта гучудолу: вай кьематан дийнахь доьналла долуш хир ду, вай кху дуьнен чохь Иза санна лела дела. ¹⁸ Безамца кхерам а бац. Ткъа буьззина бакьболчу безамо кхерам дIатотту, хIунда аьлча кхерам гуттар а таIарца боьзна хуьлу. Кхобруш волчун буьззина бакьболу безам бац.

¹⁹ Вайна Иза веза, дуьхьара Цунна ваьш дезна дела. ²⁰ Суна Дела веза а бохуш, ткъа шен динан ваша цавезарг аьшпаш буттуш ву. ХIунда аьлча шена дуьхьал лаьтгаш волу шен динан ваша цавезачунна, шена гуш воцу Дела а везалур вац! ²¹ Цо вайна дитина долу весет иштта ду: «Дела везаш верг шен динан ваша а везаш хила веза».

Дуьненна тIехь болу толам

5 ¹ Iийса Дала леррина Кьобалвинарг хиларх тешаш волу ХIора а Делах схьаваьлла ву. Ткъа динан бераш кхулуш волу Дела везачу ХIоранна а Делах даьлла долу бераш а деза. ² Делан бераш вайна дезаш хилар вайна

^{3:11} Яхьяс 13:34. ^{3:12} Доладалар 4:8. ^{3:14} Яхьяс 5:24. ^{3:23} Яхьяс 13:34; 15:12, 17.

^{4:12} Яхьяс 1:18.

гойту, Дела а везаш, Цуьнан весеташ вай кхочушдаро. ³Хунда аьлча Деле безам хилар – Делан весеташ кхочушдар ду. Ткъа Делан весеташ кхочушдан тІех хала а дац, ⁴хунда аьлча ша Делах схьаваьлла мел волчо дуьненна тІехь толам боккху. Ткъа дуьненна тІехь баьккхина болу и толам вайн тешар бахъана долуш баьккхина бу. ⁵Ийса Делан КІант ву аьлла, тешаш волчо бен кхин хъан боккхур бара кху дуьненна тІехь толам?

Дала леррина къобалвинчу Ийсах деш долу тоьшалла

⁶ХІара ву хица а, цІийца а Веанарг: Дала леррина къобалвина Ийса. Иза хица веана а ца Іаш, амма хица а, цІийца а веана ву. Ткъа Делан Сино тоьшалла до цунах, хІунда аьлча Делан Са билггал долу бакъдерг ду. ⁷Кхо теш ву: ⁸Делан Са а, хи а, цІий а. Цу кхааммо а оцу цхъана хІуманых цхъатerra тоьшалла до. ⁹Вай теша адамаша дечу тоьшаллех, ткъа Делан тоьшалла дуккха а нуьцкъала ду. Дала Ша тоьшалла дина Шен КІантах лаьцна. ¹⁰Делан КІантах тешаш волчун и тоьшалла даг чохъ ду. Ткъа ша Делах цатешачо Дела аьшпаш буттург во, хІунда аьлча иза Дала Шен КІантах аьллагху ца теша. ¹¹И тоьшалла иштта ду: Дала вайна хедар доцу дахар делла. Ткъа и бакъдолу дахар Цуьнан КІантаца ду. ¹²КІантаца уьйр йолчун бакъдолу дахар ду. Ткъа КІантаца уьйр йоцучун бакъдолу дахар дац.

Бакъдолу дахар

¹³Аса хІара яздина шуьга, Делан КІантах шу тешаш хиларна, шун бакъдолу дахар дуйла шуна дІахайтархъама. ¹⁴Иза бахъана долуш Далла хьалха доьналла долуш хила таро ю вайн. Нагахъ вай Цуьнан лаамехъ долу цхъа хІума Цуьнга дехахъ, Цунна вай бохург дІахезар ду. ¹⁵Вай деххарг хІуьа а Цунна дІахезаш хилар хууш хилча, вайна хаьа, доьхуш дерг вайн долуш дуйла.

¹⁶Нагахъ цхъанна шен динан вашас валарна доцу къа латош гуш делахъ, тІаккха цо доІа дан деза. Ткъа Дала дахар лур ду цунна. Аса бохурш валаре далош доцу къинош ду. Амма къиношна юкъахъ валаре далош долу къа а ду, цунна тІера деха ца боху аса. ¹⁷Муьлхха а харцдерг къилахъ ду. Амма валаре далош доцу къинош а ду.

¹⁸Вайна хаьа, ша Делах схьаваьлла волчу цхъаммо а къа ца латадойла. Ткъа Делах схьаваьлла Волчо иза ларво – иблисе зе ца дало цунна.

¹⁹Вайна хаьа вай Делан долахъ хилар а, дерриге а дуьне иблисан карахъ хилар а.

²⁰Иштта вайна хаьа, Делан КІанта, ван а веана, кхетам ваьшна беллийла, билггал бакъволу Дела вайна вовзийтархъама. Ткъа вай, бакъволчу Делаца хилла а ца Іаш, Цо леррина къобалвинчу Цуьнан КІантаца Ийсаца а ду. Иза ву билггал бакъволу Дела а, бакъдолу дахар а!

²¹Сан хьоме бераш! Цуйх ларделаш шаш.